

- भारती अंतरिक्ष जात्री ग्रुप कैप्टन शुभांशु शुक्ला ते एक्सियोम-4 उन्दे त्रै होरनें सहयोगी धरतै पर वापसी दी जात्तरा लेई रवाना।
- विदेश मंत्री डॉ. एस. जयशंकर होरें आखेआ जे भारत-चीन दे सरबंध आस्ता-आस्ता सकारात्मक दिशा च अगे बदा'रदे न।
- राष्ट्रपति द्रौपदी मुर्मू होरें अज्ज हरियाणा ते गोवा च नमें राज्यपालें ते लद्दाख च नमें उपराज्यपाल दी नियुक्ति कीती।
- केंद्री ग्रामीण विकास राज्यमंत्री Pemmansani Chandra Shekhar होरें 2047 तोड़ी विकसित भारत दे लक्ष्य गी हासल करने लेई सब्बै ग्राएं गी विकसित करने दा आह्वान कीता ऐ।
- आयुश मंत्री प्रतापराव गणपतराव जाधव होरें आखेआ जे पूरी दुनिया हुन आयुर्वेद दे वैज्ञानिक आधार उपयोगिता ते अपार संभावनाएं गी समझियै अपना'रदी ऐ।
- दिल्ली दी राउस एवन्यू अदालत नै नेशनल हेराल्ड धनशोधन मामले च कांग्रेस दे वरिष्ठ नेता सोनिया गांधी ते राहुल गांधी सने होरनें खलाफ ई.डी दी अभियोजन शकैत पर सुनवाई पूरी करी लैती ऐ।

<><><><><><>

Axiom

एक्सियोम-4 मिशन पर गेदे भारती अंतरिक्ष जात्री ग्रुप कैप्टन शुभांशु शुक्ला ते त्रै होरनें दी वापसी अज्ज शुरू होई। विज्ञान ते टैकनालजी मंत्री डॉ. जितेंद्र सिंह होरें दस्सेआ जे वापसी जात्तरा भारती समें मताबक अज्ज संझा साड्डे 4 बजे थमां शुरू होई। उनें आखेआ जे मिशन दे सदस्य कल दपैहरी कोई 3 बजे धरतै पर पुज्जंगन। लैंडिंग दे बाद ग्रुप कैप्टन शुक्ला ते होरनें कू सदस्यें कन्नै धरतै दे गुरुत्वाकर्षण दे अनुकूल होने लेई फ्लाइट सर्जेनें दी दिक्ख-रिक्ख च 7 दिनें दे पुनर्वासि कार्यक्रम च होंगन। ग्रुप कैप्टन शुक्ला होर अंतरराष्ट्री अंतरिक्ष स्टेशन दे 14 दिनें दे मिशन पर हे। ओहू अंतरराष्ट्री अंतरिक्ष स्टेशन दा दौरा करने आहले पैहले भारती ते 1984 च अंतरिक्ष च गेदे विंग कमांडर राकेश शर्मा हुंदे बाद दूए भारती अंतरिक्ष जात्री बनी गे। चालक दल गी लेई जाने आहले स्पेस एक्स फालकन-9 गी फ्लोरिडा च नासा दे कनेडी स्पेस सेंटर थमां लांच कीता गेआ हा।

<><><><><><>

Chandrayan

भारत दे विान ते दृढ संकल्प दी ऐतिहासिक उपलब्ध चंद्रयान-3 नै अज्ज अपने प्रक्षेपण दे दो बरे पूरे करी लैते न। इस मिशन दा मुख्क मकसद चंद्रमा दे दक्खनी ध्रुव दे कौल उंचाई आहले क्षेत्रें च लैंडर ते रोवर गी स्थापित करना ते पूरी लैंडिंग ते रोविंग क्षमताएं दा प्रदर्शन करना हा। बरे 2023 च अज्जै दे दिन गै भारती अंतरिक्ष अनुसंधन संगठन-इसरो आसेआ विकसित LVM3M4 Rocket नै चंद्रयान-

3 गी सफलतापूर्वक कक्षा च प्रक्षेपित कीता हा। स्हाडे संवाददाता नै दस्सेआ ऐ जे चंद्रयान-3 च इक स्वदेशी Propulsion Module इक लैंडर माड्यूल ते इक रोवर शामिल ऐ जेडा जे अंतरग्रहीय मिशनें लेई जरूरी नमी तकनीकें दा विकास ते प्रदर्शन करोग।

<><><><><><>

EAM-SCO

विदेश मंत्री डॉ. एस जयशंकर होरें आखेआ जे भारत-चीन सरबंध आस्ता-आस्ता सकारात्मक दिशा च अगगे बदा'रदे ना। बीजिंग च चीन दे विदेश मंत्री वांग ची हुंदे कन्नै बैठक् दौरान उनें आखेआ जे दौनें देशें पिछले 9 म्हीनें च दक्खी सरबंधें गी सामान्य बनाने दी दिशा च अच्छभू प्रगति कीती ऐ। देश मंत्री डॉ. एस जयशंकर होरें जटिल अंतरराष्ट्री स्थिति बश्कार भारत ते चीन दे विचारें ते नजरिये दे खुल्ले-डुल्ले आदान-प्रदान दे महत्व पर बल दित्ता। डॉ. जयशंकर होरें अज्ज बीजिंग च चीन दे उपराष्ट्रपति हान झेंग कन्नै बैठक कीती। उनें आखेआ जे दौनें देशें बश्कार सरबंधें च लगातार सुधार होने कन्नै परस्पर लाहका नतीजे थ्हांगना। मंत्री होरें विश्वास व्यक्त करदे होई आखेआ जे इस जात्तरा दौरान उंदी चर्चा च सकारात्मकता बनी दी रौहगा। उनें आखेआ जे शंघाई सहयोग संगठन-एससीओ च चीन दी सफल अध्यक्षता दा भारत समर्थन करदा ऐ।

<><><><><><>

Prez. Governor appointment

राष्ट्रपति द्रौपदी मुर्मू होरें अज्ज हरियाणा ते गोवा च नमें राज्यपालें ते लद्दाख च नमें उपराज्यपाल दी नियुक्ति कीती। साबका नागरिक उड्डयन मंत्री पुशपति अशोक गजपति राजू होरें गी गोवा दा राज्यपाल नियुक्त कीता गेआ ऐ जिस्सले जे प्रो. आशिम कुमार घोष हरियाणा दे राज्यपाल होंगना। कविंद्र गुप्ता होरें गी लद्दाख दा उपराज्यपाल नियुक्त कीता गेआ ऐ। राष्ट्रपति होरें लद्दाख दे उपराज्यपाल ब्रिगेडियर सेवानिवृत डॉ. बी.डी मिश्रा हुंदा इस्तीफा बी स्वीकार करी लैता ऐ।

<><><><><><>

Rural-Development

केंद्री ग्रामीण विकास राज्यमंत्री पेम्मासानी चंद्रशेखर होरें 2047 तोड़ी विकसित भारत दे लक्ष्य गी हासल करने लेई सब्बै ग्राएं गी विकसित करने दा आह्वान कीता। श्री चंद्रशेखर होरें अज्ज नमीं दिल्ली च ग्रामीण विकास मंत्रालय दी कार्यनिष्पादन समीक्षा समिति दी पैहली बैठक गी संबोधित करदे होई एहू गल्ल आक्खी। इस लक्ष्य गी हासल करने च ग्रामीण विकास मंत्रालय दी भूमिका पर जोर दिंदे होई उनें आखेआ जे सरकार छडा योजना दा क्रियान्वयन गै नेई करदी बल्के भारत दी विकास गाथा दा अगला अध्याय बी लिखा'रदी ऐ। उनें आखेआ जे विकसित ग्रां हर इक परोआर गी पक्का घर ते बुनियादी सहूलतां, बेहतर शिडकां, ग्रामीण नौजवानें गी रोजगार दे मौके ते हर महिला सशक्त ते माली तौरा पर आत्मनिर्भर होनी लोडचदी ऐ।

<><><><><><>

Bihar

बिहार च पिछले 24एं घंटें च बिजली पौने करी घट्टोघट्ट 9 लोकें दी मौत होई गई ऐ ते कई होर जखमी होई गे ना। बांका जिले च सब्बनें शा बद्द 5 ते गया जिले च 2 लोकें दी मोत होई ऐ। पटना ते

नालंदा जिलें च इक-इक जने दी मौत होई ऐ। आधिकारिक सूत्रें दे मताबक सबै मौतां बरखा दौरान होइयां जिस्सलै के लोक खेत्तरें च कम्म करा'रदे हे।

<><><><><><>

Ports

केंद्री बंदरगाह, पोत परिवहन ते जलमार्ग मंत्री सर्बानंदा सोनोवाल होरें अज्ज विशाखापटनम च 2 दिनें दे बिमस्टेक पोर्ट्स कन्क्लेव दा शुभारम्भ कीता। इस मौके श्री सोनोवाल होरें आखेआ जे भारत दी गुआंड पैहले नीति क्षेत्रीय समुंद्री क्षेत्र च बददे सहयोग प्रति इसदी बचनबद्धता दी मसाल ऐ। 2 दिनें दे कंकलेव च क्षेत्रीय समुंद्री संपर्क ते बंगाल दी खाड़ी दे महासागर रिम राष्ट्रें च सहयोग गी बदाने दी बचनबद्धता पर विचार-विमर्श कीता जाग।

<><><><><><>

IMD

भारती मौसम विभाग नै अगले 2 दिनें लेई पच्छिम बंगाल, राजस्थान, मध्य प्रदेश, झारखंड ते ओडिशा च मती गै भारी बरखें दी पेशनगोई कीती ऐ। आकाशवाणी समाचार कन्नै गल्ल करदे होई भारती मौसम विभाग दे साइंसदान डॉ. नरेश कुमार होरें आखेआ जे 2 घट्ट दबा आहले हालात बने देन। इक मध्य प्रदेश ते एहदे अगुआढ आहले इलाकें ते दुआ उत्तर पच्छिम बंगाल दी खाड़ी ते आले-दोआले दे तटीय खित्ते च।

<><><><><><>

Rains-Rajasthan

राजस्थान च राज्य दे कई हिस्सें च भारी बरखा होआ'रदी ऐ जिस करी आम जनजीवन प्रभावित होई गेआ ऐ। मौसम विभाग नै अज्ज राज्य दे 18 जिलें च भारी बरखें दा अलर्ट जारी कीता ऐ। लगातार बरखें करी राज्य च कई नदियां जिस च चंबल बी शामिल ऐ च हाड आहले हालात न। चंबल नदी च कोटा बैरेज दे 12 दरवाजें गी खोलियै पानी छोड़ेआ गेआ जिसी करी चंबल नदी दे आले-दोआले आहले इलाकें च अलर्ट जारी कीता गेआ ऐ।

<><><><><><>

Rains-MP&HP

मध्य प्रदेश च मौसम विभाग नै 35 जिले इंदौर, भोपाल, उज्जैन ते ैवालियर चंबल खित्ते च भारी बरखें दा अलर्ट जारी कीता ऐ। पिछले 24 घंटें दौरान कई जिलें च झक्खड ते बरखा पेई ऐ। रतलाम ते गुणा जिले च सब्बनें शा बद्द बरखा होई। राज्य दे कई जिलें च भोपाल, इंदौर, जबलपुर, ग्वालियर, उज्जैन, नर्मदापुरम, रतलाम ते शिवपुरी च रूकी-रूकियै बरखा जारी ऐ। हिमाचल प्रदेश च अज्ज मौसम खराब नेआ ते राज्य भरै दे कई हिस्सें च रूकी-रूकियै बरखा होआ'रदी ऐ।

<><><><><><>

Ayush

आयुष मंत्री प्रतापराव गणवतराव यादव होरें अज्ज आखेआ जे पूरी दुनिया हुन आयुर्वेद दे वैज्ञानिक आधार, उपयोगिता ते अपार संभावनाएं गी अपना'रदी ऐ। उनें एह गल्ल अज्ज नमीं दिल्ली च अखिल भारती आयुर्वेद संस्थान दे शल्यकान 2025 दे उद्घाटन समारोह च आखी। उनें आखेआ जे आयुष मंत्रालय आयुर्वेद ते शल्य चिकित्सा पद्धतियें दे कन्नै-कन्नै उनें वैश्विक मानता दुआने लेई बचने बज्झी दी ऐ।

<><><><><><>

ED-Sonia-Gandhi

दिल्ली दी राउस एव्यू अदालत नै नेशनल हेराल्ड धनशोधन मामले च कांग्रेस दे वरिष्ठ नेता सोनिया गांधी ते राहुल गांधी सने कई होरनें दे खलाफ ई.डी दी अभियोजन शिकायत उप्पर सुनवाई पूरी करी लैती ऐ। अदालत 29 जुलाई गी इस मामले च अपना फैसला सुनाग। एह मामला नेशनल हेराल्ड मामले च पूरक अभियोग पत्र पर संज्ञान लैने कन्नै सरबंधत हा। इस मामले च कांग्रेस दे नेताएं खलाफ धनशोधन दे आरोप लागे न। सब्बै आरोपियें आरोप पत्र दे संज्ञान पर ई.डी दी याचिका दा विरोध कीता ऐ ते लागे गेदे आरोपें दा खंडन कीता ऐ।

<><><><><><>

PM-Condolence

प्रधानमंत्री नरेंद्र मोदी होरें नाइजीरिया दे साबका राष्ट्रपति Muhammadu Buhari हुंदी मौती पर शोक व्यक्त कीता ऐ। श्री मोदी होरें आखेआ जे उंदी बुद्धिमता, गर्मजोशी ते भारत-नाइजीरिया मित्री प्रति अनत्रुट बचनबद्धता अद्वितीय ही।

<><><><><><>

US-Patriot

अमरीका, युद्धग्रसत यूक्रेन गी रूस खलाफ लड़ाई च मदद लेई पैट्रियट वायु रक्षा थेआर भेजोग। अमरीका दे राष्ट्रपति डोनाल्ड ट्रम्प होरें मैरीलैंड स्थित जायंट बेस एंड्रयूज च मीडिया गी दस्सेआ जे उनें अज्जै तोड़ी यूक्रेन गी दिती जाने आहली पैट्रियट मिसाइलें दी संख्या पर सहमति नेई जताई ऐ। मगरा उनेंगी किश मिसाइलां दिती जांगन कीजे उनेंगी सुरक्षा दी लोड ऐ।

<><><><><><>

WPI

भारत दा थोक बिक्री मूल्य सूचकांक मुद्रास्फीति पिछले बरे इस्सै अवधि दी तुलना च 0 अशारिया 13 फीसद तगर हेठ आई ऐ। वाणिज्य ते उद्योग मंत्रालय आसेआ जारी आंकड़ें मूजब एह गिरावट खाने-पीने आहली चीजें, खनिज तेल, मूल धातुएं दे निर्माण, कूड पेट्रोलियम ते कुदरती गैस दे मूल्य च कमी करी आई ऐ। थोक बिक्री मूल्य सूचकांक आधारित मुद्रास्फीति इस बरे मार्च महीने दे बाद लगातार घट्ट होई ऐ। मुद्रास्फीति हेठ आइए मई महीने दौरान 14 महीने च सब्भनें थवां घट्ट 0

अशारिया 39 फीसद पर आई गई। खाद्य मुद्रास्फीति बरे दर बरे 0 अशारिया 26 फीसद तगर हेठ आई जिसले कि मुख चीजें च 0-3 अशारिया 38 फीसद गिरावट आई ऐ।

<><><><><><>

Football

चेल्सी फुटबाल क्लब नै इतिहास रचदे होई पैहली बारी फीफा क्लब विश्व कप अपने ना कीता। न्यू जर्सी च होए दे इक रोमांचक मुकाबले च चेल्सी नै पेरिस सेंट जर्मन गी 3-0 कन्नै हराई दित्ता।

<><><><><><>